

四庫全書

集部

欽定四庫全書

集部

十五家詞卷二十四至  
六

詳校官內閣學士臣尹壯圖

侍讀臣孫球覆勘

總校官降調編修臣倉聖脈

校對官中書臣王慶長

騰錄監生臣李廷對

欽定四庫全書

十五家詞卷二十四

休寧孫默編

彭孫適延露詞上

詩何以餘哉小樓昨夜哀江頭之餘也水殿風來清  
平調之餘也紅藕香殘古別離之餘也將軍白髮從  
軍行之餘也今宵酒醒子夜悞儂之餘也大江東去  
鼓角橫吹之餘也詩以餘亡亦以餘存非詩餘之能  
為存亡則詩餘之人存亡之也向讀彭子羨門與王

子阮亭無題唱和嘆其淫思古意兩玉一時阮亭既  
官揚州羨門有客信宿會鄒子程邛初集倚聲於是  
延露之詞成焉然則延露者其無題之餘乎蓋維揚  
佳麗固詩餘之地也昔人謂天下三分明月二分獨  
照揚州至有人生只合揚州死之語不止三年一夢  
而已故登蕪城宜賦西風殘照弔隋苑宜賦金鑰重  
門過玉鈎斜宜賦曉星明滅上二十四橋問吹簫玉  
人宜賦衣染鶯簧載酒青樓聽竹西歌吹宜賦并刀

如剪進雷塘觀八月潮宜賦玉虹遙挂豈惟平山欄  
檻讓文章太守揮毫獨步哉楚大夫芳華竟體若無  
湘浦蘅蘭巫峰雲雨則九歌九辨何處生活今以彭  
子之才江山助之折大堤之揚柳對官閣之梅花選  
樓公子盥手裝書殿脚夫人画眉捧硯宜其提辛板  
李含柳吐秦與紅杏尚書花影郎中平分風月則維  
揚固詩餘之地而彭子乃詩餘之人也有其地有其  
人有其人有其詞詩餘人乎人餘詩乎寄語王鄒想

當絕倒如僕者刻畫無鹽唐突西子斯又彭子之餘也  
已古吳尤侗悔菴撰

小令

十六字令

聽蛋

蟲切切哀吟不肯休  
愁人處多在五更頭

南歌子

揚州

青雀芙蓉舫紅闌楊柳橋聽徹玉人簫一場花月夢可  
憐宵

荷葉盃

問病

花落木樨庭院重見骨細不勝衣支離憔悴總因伊知  
麼知知麼知

曲廊

今夜霜風淒緊陣陣行到曲廊邊暗中扶遍小欄干寒

麼寒寒麼寒

搗練子

送春

啼鳥歇小庭空幾陣  
廉纖幾陣風獨倚危欄  
閒極目子城一帶綠陰中

望江南

即事

山郭靜春色正紛披  
楊柳風柔吹絮粉  
海棠雨膩濕胭



脂憔悴惜芳時

山郭靜樓閣迴連雲歌管邀迴桃葉楫舞茵催試石榴  
裙可惜日將曛

山郭靜亭榭最清幽琪樹花殘猶旖旎靈和柳悴亦風  
流往事憶成愁

南鄉子

採桑

花草暄妍江南三月浴蠶天陌上羅敷紛採摘提籠立

柔柔影裏遲遲日

憶王孫

寒食

梨雲婀娜柳雲斜  
閣倚高樓數亂鴉  
惆悵王孫天一涯  
不歸家  
風雨年年葬落花

如夢令

惜別

昨夜桂堂深處  
風翦燈花如絮  
玉漏一聲殘  
苦死催教

人去無語無語淚眼頻頻偷覷

春晝

玉礎朝來生潤滿地落紅成陣微步下香堦泥澆雙鴛  
小印春盡春盡吹到茶蘼花信

長相思

閨恨

約歸期盼歸期畢竟歸來是幾時  
賺人書疏兒長相思  
短相思盡日相思君未知  
慙慙瘦不支

目成

啟圓屏下重旌解意銀缸故不明  
今宵好目成  
夜香  
清墜釵橫燈下頻頻相喚聲  
教人待怎生

河滿子

游仙

獻罷金蔬玉菜吹殘鳳竹龍琴好  
趁天風尋舊侶逍遙  
碧嶠青岑歸自安期海上懷中一寸仙  
椹秦皇遣徐福  
入海求一寸

椹

寄語

忙裡彈棋擊稍閒時酌酒鳴箏竒服居然人不識高冠  
短後長纓寄語里中兒子何妨謂我狂生

生查子

旅夜

薄醉不成鄉轉覺春寒重枕席有誰同夜夜和愁共  
夢好恰如真事往翻如夢起立悄無言殘月生西弄

去歲

去歲寄寒衣細熨襟前皺春服又重縫何日歸來候  
青鳥去傳言只說人依舊腰帶沈郎寬禁得添消瘦

昨夜

昨夜夢無憑強起窺粧鏡錦字投行人殘麝光猶凝  
此去見檀郎情事應詳省生怕不思儂但說懨懨病

病起

小礎綠陰粘片榻黃梅澆迸水簟文流人藉青苔卧  
鄉字幾時來旅病纔輕可往事莫思量想着如何過

醉公子

訊使

前月行人去屈指來何暮叩戶料應來鄉音傳尺素  
尺素幾行餘不見故人書難道不相憶沈吟雙鯉魚

點絳脣

送春日與袁重其花下小飲

草煖鶯飛行人多上全吳館月洲亭畔重把春衣換  
新綠南園已覺叅差遍花如霰君今不醉負却提壺勸

浣溪沙

病況

却月橫雲悄未舒  
看花踏草興全疎  
屏山寂寞夜何如  
燭炧香焦猶未寢  
幾回偷看寄來書  
感他珍惜怕他虛

春遊

花柳暄萋不自堪  
柔鶯歷歷燕喃喃  
斷腸春色在江南  
麥隴摧風輕委浪  
蘋波撼雨淨拖藍  
旗亭歸去酒微



酉甘

客中小寒食作

客裡佳辰祇自憐  
白榆初改漢宮烟  
覆堤柳色正三眠  
芳樹乍聞花氣息  
小樓幾見月團圓  
教人無奈暮春天

踏青

翠浪生紋漲曲池  
春深閨閣弄粧遲  
弓鞋羅襪踏青時  
鴉鬢輕分金縷縷  
燕釵低飈玉差差  
杏花香雨細如

絲

一幅帆飛十里流白蘋芳渚放輕舟洞天何處最深幽  
紅杏枝頭寒食雨碧桃花外夕陽樓千條弱柳縮春  
愁

艷情

睡鴨淒清夜未眠銀荷低照象牀邊七裏錦被八蠶綿  
翠厭細按紈箆上諾龍私貯繡襟前玉郎長得玉人

憐

翠厭見  
水經注

閨思

蟬翼裁成稱體衣  
妍和風日燕交飛  
遠山泓黛一行低  
雨滴櫻桃隨淚落  
心緘荳蔻怯人知  
殘鶯新絮斷腸時

美人春睡

妝閣深深鎖碧苔  
春眠嬌倚避風臺  
海棠着雨未全開  
金蝶暗寬文綺帶  
玉鈎微卸錦綦鞋  
檀郎莫自詭人來

鑿江舟中集劉隨州句寄孫無言

古木寒蟬滿四鄰  
蕭條環堵絕風塵  
何年家住此江濱  
漢水楚雲千萬里  
不堪秋草更愁人  
臨岐南望一沾

巾

初夏

小閣冰簾軸畫叉  
水沈烟重暈輕紗  
鵲鑪分火潑新茶  
綠竹傳將歡子粉  
紅蕉憐殺美人花  
一池春雨鬧鳴

蛙

伊川令

為阮亭題余氏女子繡洛神圖

采珠拾翠紛來往  
羅襪輕盈樣何處  
通辭波上腸斷東  
阿才子一賦千秋悲  
愴鉞神原是魏宮人  
重拈出洛靈小像

卜算子

賦艷

又報玉梅開  
笑泥青娥飲  
去歲留心直到今  
醉裏如何

禁身作合歡牀臂作游仙枕打起黃鶯不放啼一晌  
留郎寢

夏至日

纔過困人天又把黃梅做試捲疎簾一倚闌小雨吹紅  
醋草草百年身悔殺從前錯來日還如去日長沒箇  
安排處

有懷

簾影滑生雲蓮子清過水好月微風入夜分記起當初

事 鈿盒悵空存 愁病看如此 仔細從前暗忖 量值箇  
相思死

醜奴兒令

雨窗讀梅菴弔琵琶樂府

從頭細數傷心事 幽怨琵琶 哀拍胡笳 一代紅顏萬里  
沙 沈吟掩卷愁無限 風鬧窗紗 雨滴簷牙 蛺蝶多情  
苦殉花

臨別

畫橈約在春初發  
暗數流光羞整新粧  
不到臨時已斷腸  
繡幃今夜人清悄  
雨滴空堂花落空缸  
數盡更兒  
嬾上牀

減字木蘭花

重過鴛水客樓

鴛鴦湖畔曾醉嬌  
歌聽翠管湖雨湖烟  
不見于今又幾年  
重來颿影蘭葉頻花  
秋日淨題句空留行  
裏塵生  
水面樓



菩薩蠻

京口遣信南歸因題書尾

繡衾孤擁春寒峭  
窗前小玉迎人笑  
報道遠人回  
郎君有信來  
循環都讀遍  
腹內車輪轉  
何日却歸家  
慊慊瘦損花

其二

中秋月落催蘭棹  
清明寒食逡巡到  
青鳥縱傳書  
不歸仍是虛  
舊歡真似夢  
畢竟功名重  
含淚待歸期  
從頭

細問伊

其三

去年除夕蘭釭下熏香被酒更深罷鳴指又嘉平迢遙  
薊北行 門庭清似水淚滴鴛央被夜夜捧心眠何人  
着意憐

其四

斷紅小頰芙蓉淺檀痕新漬香襟煖雁字下平蕪還勝  
雁也無 情知歸未得不是輕拋擲寄語好加餐春來

風雨寒

除夕阮亭廣陵署中守歲

節序驚心殘臘盡  
同雲霰雨寒猶緊  
小煖逼爐烟  
江春入舊年  
芳柑傳綺席  
好事過除夕  
香雪動園梅  
春迴人未迴

閨情

畫檠朱燼花如雨  
當窗手弄春鶯語  
半面最宜人  
屏山一線痕  
十重綉綺被  
赤翡交青翠  
生小怯孤眠  
郎衣

手自牽

春愁

平蕪南浦萋萋碧  
殷勤別淚紅巾濕  
花信半催殘  
高樓簫管閒  
金猊空自熱  
不解鴛鴦結  
何物似相思  
相思無盡時

夢起

秦篝小炷銷宮餅  
繡衾一疊文鴛冷  
儂已不成眠  
知伊更可憐  
晨光生牖裡  
曉幙長孤起  
春夢太分明  
關人

半日情

春寒

夜寒酒薄眠初覺一鈎殘月懸樓角小篆冷香筒香煤  
半粟紅垂簾還涉想髮髻金釵響數盡短長更東方  
不肯明

暮秋閨思

層波不轉眉山感有人倚遍闌干曲雲洗碧天空殘陽  
雁背紅寒林烟冥冥不見歸帆影望斷又今朝離魂

脉脉銷

樓眺

一抹烟鬟青不了  
遙天幾點寒鴉小  
落日挂簾鈎  
捲簾人倚樓  
雲帆何處度  
目盡江南路  
窈窕月華生  
斷腸今夜明

題青溪遺事畫冊和阮亭韻

下過

南園粉絮漫天起  
玉闌干外花陰裏  
初試薄羅衣  
金蟬顛欲飛  
無端郎幕見  
剗襪輕風扇  
驚起宿鴛鴦  
鴛鴦裙拖

繡一雙

又  
夜飲

春檠雙吐緋羅燭  
文犀酒泛葡萄綠  
裊裊洞簫聲  
牙娘按字清  
投瓊聊作戲  
莫賺蕭郎醉  
今夜好秋光  
月明衾枕涼

又  
私語

棠梨落盡花如雪  
雙雙照影昏黃月  
泓黛秀聯娟  
雲鬢亞玉肩  
凭闌羅襪倦  
坐損春衫茜  
小語怯聽聞  
嬌波

橫觀人

又 圓碁

湘蘭九畹垂垂吐雕龍巧喚紅鸚鵡長日試敲碁嬌慵  
落子遲 儂家誇好手賭勝朱櫻口却斂細蛾兒含羞  
欲悔時

又 迷藏

海棠開遍清和近輕蟬低掠雙文鬢玉體藉花藏花深  
珠露涼 青衣能暗邏莫使窺人躲人影墮高枝玲瓏



月一絲

又

彈琴

梧桐深院鳴秋葉  
狄香小炷氤氳  
玉指弄哀彈琴心  
雲水寒 園絲珠作串  
字字含清怨  
清怨寄三湘  
眉峰九曲長

又

竊聽

朱絲宛轉垂銀蒜  
今宵底事拋針線  
怪殺太風流  
頻頻撼玉鈎  
千般輕薄箇可也  
羞燈火漸覺麝蘭微  
畫屏

人欲迷

又  
讀書

小窗鮮碧凝修竹  
窗前試展珠函讀  
日永靜無人風來  
散帙頻  
新粧嬌半面  
莫使悲團扇  
纖月挂簷頭  
牙籤  
索罷休

又  
潛窺

玄霜搗罷明于雪  
寒帷人似嬋娟月  
何必怨羈雌  
有人  
簾外窺  
嬌羞生不慣  
驚避檀郎看  
香汗玉膚潮  
無聲

落鳳翹

又 葉子

竹窗晝永清無事  
南朝舊譜翻新思  
竒正巧能兼犀籌  
手自拈  
郎休嗔葉子  
葉葉郎相似  
盡日掌中擎  
歡情  
一紙輕

又 情外

花梢荳蔻含春色  
風狂雨驟相狼藉  
懊惱錦屏空胭脂  
滿地紅  
諸姨偷覷着  
調笑多輕薄  
一曲後庭花前身

張麗華

又  
秘戲

枕函膩臉明雙玉  
纖蛾接黛攢新綠  
歡淚粉香垂為郎  
忍片時  
金鋪橫屈戌  
皓腕頻頻覩  
覩向蠟鐙中  
臂粧  
深淺紅

巫山一段雲

雨窗與程村夜話

歲月閒中老  
容顏暗裏消  
清槐好為繫  
征舸濃綠染長

橋聽雨僧廬靜尋詩竹院遙燭花落盡又頻挑不寢  
費蘭膏

南譙道上

暮火投山郭朝寒過驛橋江雲一色秣陵潮抹斷蔣山  
腰秋色低鴻雁清霜急皂鷗汀蘆沙葦冷蕭蕭風雨  
入南譙

為侯大年賦催妝

侯第珠為帳金闈鈿作車水沈香炷博山爐今夜極歡

娛 顧影雙龍鏡 更衣百寶襦 畫眉深淺入時無 笑指  
月生初

柳含烟

本意

水驛下戍樓前 寒食清明過也 淡烟疎雨 落花天恨綿  
綿 風起灞橋如雪 短葉長條 堪折一春 只覺別離多  
奈愁何

謁金門

春夢

春愁積一片角聲清急天上佳期無信息行雲何處覓  
靜掩流蘇帳額還似見伊顏色夢破五更風瑟瑟紙  
窗涼月白

好事近

落葉

一葉為誰飄染就十分秋色欲借江郎青管賦閨中新  
什小鬟石畔掬清泉捧硯洗殘墨好向斷紅紋裏認

玉人書跡

金蕉葉

新月

新蟾恰恰轉花梢  
照人半霎誰將明鏡彈  
破纖纖小指  
甲 又似人兒瘦怯  
染輕雲犀梳倒插  
朝來鉛粉洗淨  
蛾黃露一搗

清平樂

吳中柬寄百旃



少年情緒分付東流去水上浮漚花上露一霎蜉蝣旦  
暮故人休問彈冠心隨雲水同寒覓得新來活計筆  
牀茶竈蒲團

憶秦娥

黃薔薇

清明近好風初占薔薇信薔薇信脂輕粉薄天然檀暈  
夜來已覺春寒困曉粧約略黃兒褪黃兒褪幽香一  
滴露珠新搵

憶少年

憶遠

閒來極目朦朧不辨江天雲樹懷中數行淚向何人彈  
與日日潮迴烏角渡趕不上蕭郎行處仙裙且休繫  
仗東風吹去

更漏子

五日

展羅衣寬寶纈團就一窩香雪珠箔下畫屏中重施繡

抹胸 梅雨濺荷風扇釵上翠符頻顛多少事費沈吟

日長倦不禁

毛熙震詞 繡羅  
紅嫩抹酥胸

午飲

額妝輕眉影細髮際瑩瑩光膩妝寶鏡炷沈烟低頭急繡  
纏 菖葉碧榴房赤午酒中人無力羅袂薄晚風涼幽  
蘭被體香

荊州亭

晚眺

小閣愁來獨倚四合彤雲垂地若要不思鄉夜夜除非  
沈醉酒後寒生半臂着處牽縈人意珍重舊羅巾曾  
搵美人香淚

甘草子

今夕

春恨耽過年時今夕消除盡花月也羞明兩兩生嬌暈  
堦下綠茵清穩合眼處蘭縑初褪一齧文犀為伊忍  
狂殺人風韻

阮郎歸

旅思

院門花影鎖重重行雲天外峰  
夢魂吹去杳無踪此時  
愁殺儂風剪剪月朧朧  
春霜壓被濃萬千心事霎時  
中  
桂兒撼曉鐘

春曉

靈扉誰為捲仙旌霞光透月櫺  
幾回欲起又消停朝寒  
不自勝明鏡啟曉篝輕宮香  
分外清依微花氣滿雲

屏春禽無數聲

歸思

玉河官酒送行時  
輕黃遍柳絲  
仙橋認取再來期  
花驄  
驕欲飛  
人事換歲華  
非江雲望眼迷  
年年風雪滿  
征衣思歸又怕歸

眉峰碧

春閨

漫把重簾約已覺  
朝寒畧春色  
原來一夜深  
看桃李叅

差發紅淚垂銀蠟烟縷青于髮午幙人聲悄不聞隔  
花細雨流鶯滑

眼兒媚

秋思

空階夜雨滴心頭涼雁過西樓一行秋色十分歸思萬  
點離愁自被浮名羈絆後長似斷蓬流淒淒雙杵朦  
朦殘月渺渺孤舟

錦堂春

東既庭

塗轍正妨我輩溪山合老狂夫為報故人休復爾鐘鼓  
駭爰居 心已絮泥灰木身拚月媵花奴須知富貴非  
吾願遮莫執金吾

桃源憶故人

社日

平臯翠縠濃于染一幅晴蕪青菡萏社酒徒零亂添得  
紅襟燕 粉榆往事還重見竊炙歸來春宴人在櫻桃



庭院今夜停針線

攤破浣溪紗

讀高季迪缶鳴集

何處登臨憶侍郎無邊草樹路微茫  
依舊青丘湖下水接東江  
舊宅已隨烟裏沒遺編曾向篋中藏  
歎息當時同輩少壓徐楊

武陵春

和漱玉詞同阮亭作

柳暉鶯嬌蜂蝶鬧春色滿枝頭暮雨朝雲不肯休遮莫太  
風流花滿湘江波正綠莫上木蘭舟若向湘江共艤  
舟又添得一般愁

末句多一  
字照原本

將遊吳門先寄家兄雲客

三月韶光應已暮花事委行塵畫帆擬泛石湖濱修禊  
及佳辰寄語流杯亭下客沽酒莫辭貧風吹船玉皺  
紅鱗一嘔木蘭春

太常引

留別

脆紅嬌白媵殘春  
香夢細于塵畫閣  
又斜曛空羨殺烏  
龍錦茵  
無邊風浪無憑書札  
從此隔重闌一掬小江  
津浣不盡相思淚痕

柳梢青

感事

何事沈吟小窗斜日立  
遍春陰翠袖天寒青衫人老一  
樣傷心  
十年舊事重尋回首處  
山高水深兩點眉峰

半分腰帶憔悴而今

月中行

別意

越絲新製小裙腰翠帶逐風飄水葱仙席索春饒脉脉  
暗肌銷銀箏玉管無心弄人靜後幾點清譙相憐端  
的只今宵不睡也難消

滿宮花

南園

試青鞋褰翠袖春色南園堆繡白頭猶說廣陵王能使  
行人回首 錦衣城今在否見說當時宮園陌上誰歌

緩緩歸只有花開如舊

南園在姑蘇子城西南廣陵王錢元璪帥吳時所創衣錦城在

臨安吳越王素所居營也

欽定四庫全書

十五家言  
卷二十四

十五家詞卷二十四

欽定四庫全書

十五家詞卷二十五

休寧孫默編

彭孫適延露詞中

小令

少年遊

席上有贈

花底新聲尊前舊侶一醉盡生平司馬無家文鴛未嫁  
贏得是虛名 當時顧曲朱樓上烟月十年更老我青

袍誤人紅粉相對不勝情

思越人

題余氏女子繡西子浣沙圖同程村阮亭作

擘仙絲寫美贖依然南國娉婷石畔浣紗今在否溪流  
猶為人清 興亡吳越眉顰上鷓夷枉鑄遺像日暮百  
花洲下路珊珊步履餘響

醉花陰

和漱玉詞同阮亭作



花影枝枝搖午晝桂炷銷獅獸愁病怯登高幾陣西風  
吹得羅裳透 闌干星月三更後玉露沾香袖心事寄  
誰行約畧腰身轉覺秋來瘦

怨王孫

春暮和李易安同阮亭

春陰晚晚薔薇庭院謝女樓空秦娥夢斷倩柳色把情  
傳結纏綿 當初小喜將人惹還拋捨殺是無賴也別  
來又過寒食幾樹橫斜斷腸花

古詩小喜多唐  
突相憐能幾時

又

銀箭聲悄金屏思惱香夢和雲流鶯弄曉一樹樹海棠  
紅不禁風 風狂雨驟傷心處花落去穠艷空辜負登  
樓一望天際目盡南雲鎮思君

雙調望江南

初見

初見處記得在東臯曾與酒人司白墮便從仙籍識青  
腰顏色為誰嬌 行酒罷滅燭更相邀並體花間剛恰

好凌波一捻已魂消何況是今宵

浪淘沙

戲贈閨人

生計漫匆匆賣賦叩黃金先為貫新豐伊唱吳趨儂  
起舞激楚迴風此處不留儂甚處留儂小朱慵粉若  
為容一事與卿權領取酒誥花封

代答

曉起弄粧慵笑指吳傭白衣夫婿白頭儂今日海棠花

下飲端與誰同 雲雨楚天重誰繫郎蹤任伊夢遍十  
三峰解識近來勤入道懶向花叢

懷歸

漏永夜如年撥盡爐烟乍晴又雨晚秋天切切暗蟲窗  
外語欲斷還連 寒色透重綿若個周旋自家將息自  
家憐何日歸來相訴也月下花前

客窓夜雨

寒雨太連綿一抹江天廣陵鐘斷夜無眠何事秋聲吹

不了長打窓前 酒後轉淒然著處堪憐故鄉只在睡  
鄉邊好囑夢兒歸去也片刻團圓

杏花天

美人題紅葉

安排秀句描秋思正沈吟湘毫欲試風前紅葉輕于紙  
薄命生憎似此 堪惆悵美人獨自碧雲杳佳期未至  
有情盡解相思死消得銀鈎幾字

摘紅英

客中聞賣花聲

東風緊吹芳信賣花聲  
隔牆頭粉耽人恨教人困  
賒得春光為誰簪鬢  
青兒嫩紅兒褪夢迴蝴蝶難重認  
情兒悶心兒忖別來幾日玫瑰開盡

紅窗睡

舟泊廬山下寄吳爾世

薄暮江濱燒竹尋烟見水面  
漁燈三兩香鑪五老青冥  
上正峯峯相向  
猶記此中君獨往料此後雲岩松瀑

依依夢想因風傳語道廬山無恙

河傳

和溫飛卿

愁緒如許對清宵砌竹風敲蕭蕭一聲兩聲魂欲消無  
聊冬缸凝玉膏却抱雲和傳素怨芳信晚腸併危絃  
斷夜烏啼林葉飛淒其小窗月又西

鷓鴣天

戲題閨人團扇

蘭吹和烟細不聞紅粧夢冷浸香雲大垂手處千金意  
小比肩時兩玉人 珠有暈璧無痕怎生消得許多春  
願將巫女峯頭水形影團來併一身

偶贈

上社橋頭鬪綵韉黃鸝巷口按歌年當筵錄酒從無誤  
隔坐拋鈎絕可憐 良宴會好因緣玉兒顏色雪兒絃  
別來多少傷心句寫付吳中水碧箋

咏美人眉



麝月纔分一寸彎，長蟬短暈淺深間。  
療飢自有餐來色，消渴因看遠際山。  
螺子細柳絲寒兩峯，天外碧相攢。  
翠蛾一滴能傳語，嘗住春愁不放還。

咏美人指甲

知向窗中弄彩毫，墨痕隱隱沁紅么。  
手揮玉柱頻教剪，指撥沈烟旋欲焦。  
風力拆嫩蘭苔，夜來輕蘸碧雲醪。  
芳心要使檀奴覺，一掐春肌暈未消。

玉樓春

五日飲虎丘山下題壁

越衣當夏清風至  
芒鞋偶過雲嵒寺  
虎丘山下故人家  
能倒金樽留我醉  
醉後難平多少事  
仰天欲問天何  
意偏使雞鳴狗盜生  
却令賦客騷人死

贈河內賈雲谷

三河自昔繁華地  
君最風流堪自喜  
莫向天涯作旅愁  
人生大約如萍寄  
曲江當日曾連轡  
盛年畧與荀郎  
似今朝試向鏡中看  
不覺已年三十四

白樂天詩不覺  
明鏡中忽年三

三月晦日歸舟

淡烟斜日長亭暮  
難得韶光容易度  
江南無限斷腸花  
枝上東風枝下雨  
萋萋芳草傷心路  
一片雲帆天外  
渡人從春色去  
邊來舟向夢魂來處去

步蟾宮

書姬人素領巾

一泓香雪團金釧  
卸仙銖輕盈如剪  
分明只是洛川人

送微波靈綃乍捲 人間天上誰曾見  
生受了玉柔花  
軟情知薄福為伊消  
拚不做黑頭王掾

雨中花

解嘲

麴生已拜尚書尹  
毛生又攝中書品  
橘叟千頭竹君千  
戶盡領通侯印  
羽客乘軒花錫衮  
先生豈合長棲遁

官柳排衙官蛙疊鼓  
官補南柯郡

羅虬有  
花九錫

夜行船

花底私語

半暉鴛綃輕蘸碧軟春纖湘紈無力圓靨初分橫波欲  
瀉心事有誰知得 解意芳姿偏作劇故意兒弄人羞  
溢笑指蓮花向儂偷問可似粉郎顏色

虞美人

咏虞美人花

香魂帳底隨烟冷判與春風領柔枝留得可憐名一捻  
紅衣猶似儂人輕 嬌歌小按傷心拍楚楚綃裳濕玉

環飛燕已成塵不道虞兮原是此花身

偶賦

小樓昨夜霜華凝膏薄蘭心冷紅烟幾縷暗香濃可惜  
一場歡會太匆匆 今朝行到紗窗下剛值梳頭罷回  
眸一笑轉嫣然恰似三生石畔舊因緣

閨情

連枝蘭燭熒熒影簾外秋風冷神絲繡褥鬱金香不覺  
犀梳低墜枕函傍 纖纖玉指如萌削數遍陽臺約脂

殷粉弱最傷情偏是行雲夢好易為醒

燈下

繞廊試覓芳踪去數點蘋花雨九微燈下見渠儂恰似  
巫山神女夢中逢月稜隱約唇朱小簇蝶湘裙裊玉  
簫吹徹獸烟溫記得橫波不轉暗窺人

登太白酒樓和董蒼水韻

青蒼齊魯垂垂小十二山河遶銜杯笑殺世人忙不道  
次公當日醒而狂騎鯨客去烟波暝碧落無音信振

衣一上謫仙樓  
遙望長安不見使人愁

南鄉子

第三體

採蘭

微雨過池塘  
玉骨纔勝翠莞涼  
乍起偶然閒徙倚  
紗窗  
一葉紅蕖墜筆床  
楚畹媚幽芳  
小摘蘭叢助曉粧  
半  
晌沈吟綠底事  
思量有箇人兒竟體香

鵲橋仙

清明



烟蕪瀉浪晴川鋪練一陣風來吹皺韶光百五禁烟時  
又過了幾番花候天桃染暈垂楊拖線萬點春光泄  
漏口噙紅豆寄多情為誰把相思嘗透

紅豆名  
相思子

### 踏莎行

#### 悼兄女

四韻拈成六書摹遍小窗夜夜溫文選繡牀竟日不聞  
聲閒來學弄湘妃管白壁難堅彩雲易斷此生何處  
重相見鑿江一紙斷腸書淚痕遙洒登高宴

春暮

鶯擲金梭柳拋翠縷盈盈嬌眼慵難舉  
落花一夜嫁東風無情蜂蝶輕相許  
尺五樓臺秋千笑語青鞵濕透  
胭脂雨流波千里送春歸棠梨開盡愁無主

題美人畫扇

點點凌波些些眉嫵玉蓮花下私行去  
花光臉色不分明紅酥欲凝嬌無語  
醉玉如烟汗粧如雨風流體態  
還如許羅衣恰好半身長依稀已到消魂處

將遊嶺南却寄

荔子香寒珠宮色冷綠溪雨暗枕榔影枉將淚眼望南  
雲夢魂不度梅花嶺翠羽雙飛素馨千頃此方仍是  
繁華境仙梅開日是來時一枝歸把相思贈

虞美人 第二體

錫山舟中獨酌

玉卮如雪溶溶白卮酒還同色水雲影裡叩船舷無情  
月也解相憐為人圓 壚頭肯典鸛裘否歸取文君酒

碧桃花下醉摩娑  
秦箏趙瑟倚聲歌  
樂誰多

小重山

扶病

遲日園亭禊事收  
那時扶病送上蘭舟  
千絲萬緒在心頭  
方寸地著得許多愁  
風雨幾曾休  
怪來人意冷似  
新秋  
晚天莫倚最高樓  
樓下水一曲斷腸流

中調

臨江仙

遣信

青瑣餘烟猶在握幾年香冷巾幘此生為客幾時休  
殷勤江上鯉清淚濕書郵欲向鏡中扶柳鬢鬢絲知為  
誰秋春陰漠漠鎖層樓斜陽如弱水只管向西流

聽雨

倚枕清宵愁不寐紙窗亂撲春蟲尖寒偏易掠輕容空  
堂羣響寂人在雨聲中五夜蓮籌頻下盡料應花睡  
方濃可憐零落綺香叢蜀魂淒欲斷相對泣殘紅

姑蘇懷古

千載霸圖銷歇也西風廢苑長洲吳東門外一江秋  
將亡國恨不盡古今流臺上鷓鴣臺下鹿興亡轉盼  
都休烟波空羨五湖遊青山和綠水遷換幾漁舟

聞聲

鞞袖無言檀注小窗前曾見微行隔窗聞喚侍兒名  
風飄鶯語脆故是向人聲兩字輕綃和小玉千嬌百媚  
橫生吹來氣作楚蘭馨今生有分麼消受一聲卿

唐多令

人日雪中立春

玉砌爛仙葩  
朱欄渲紫霞  
小梅幾點逗  
簷牙綵勝銀旂  
齊插鬢沒多個  
一些些  
繡帖熨窗紗  
窗中金縷花東  
風力軟  
半天斜  
吹起一庭香  
雪舞春先到  
謝娘家

蝶戀花

寒夜閨情

珠漏頻催冬夜永  
寒月窺人人  
在清虛境  
十二屏山湘

水淨香凝枕畔紅冰凝  
露凝紫茸風約定半晌無聲  
似睡依然醒壁上餘燈金燼冷  
帳紋細裊沈烟影

紫茸  
帳名

雲間別蒼水

黃鳥間關啼不住  
斷送殘春陣陣桐花雨  
幾日西窗深夜語  
微吟每到銷魂處  
圓泖潮生西日暮  
三老長年抵死催人去  
執手高樓輕別取  
錦箋空贈相思句

又疊前韻

世事關心難得住  
北渚停橈一夜孤蓬雨  
不見美人誰



與語空江月落潮平處  
黯黯碧雲天薄暮酒冷香殘  
無計驅愁去他日重來還看取玉鳧新製驚人句

玉鳧  
蒼水

詩集  
名

一剪梅

答貽上餉酒

路近槐安且薄遊  
朱郎封侯綠仗鳴騶  
南柯五馬最風流  
莫問隋樓只問秦樓  
三十無官欲白頭  
天上消愁地下埋憂  
半生知己兩人休  
從事青州司理揚州

和漱玉詞同阮亭作

萬疊青山一抹秋  
天半歸雲天外歸  
舟何時玉席手重  
攜同拂香巾同上朱樓  
南浦寒潮帶雨流  
只送人行

不管人愁吳天極目路  
逶迤海湧峯頭薛澱湖頭

古詩香巾

拂玉席共郎登樓寢  
虎丘山一名海湧峯

攤破醜奴兒

閨怨

秦樓誰管三生約  
花下行春月下行  
雲鸞鏡從生蛛網

塵也囉難道是一心人 為伊禁得多煩惱收拾羅裙  
打疊羅巾一捻香酥滿淚痕也囉難道不思君

定風波

晚坐

風墮涼螢夜色微玉池蓮葉碧痕齊行到曲廊將盡際  
難避意錢人在小窗西 似水天階閒坐遍試看三星  
猶自為人低一種御香通氣處何許暗中不道換羅衣

意錢即攤錢  
也見梁冀傳

漁家傲

梁溪道中

遠樹生烟漠漠起九龍峯色青于髻素字誰傳江上鯉  
歸也未山川一片悲秋氣三尺蒲帆風力細儂家遠  
在吳江尾一種相思千樣味心兒裏秋茶只覺甘如薺

春夜

窈窕紅雲明畫閣繡簾不動金鈴索欲雨春繁花自落  
東風惡峭寒今夕誰先覺忽憶前歡還似昨無言倚

遍明霞幄新燕輕盈垂柳弱人如削玄霜夜搥長生藥  
寫恨

春雨春風寨翠箔楊花也似人輕薄魚子花牋山海約  
當初錯當初錯畫鴛鴦諾十幅紅裙金縷雀近緣修  
道渾閒却手把琅函書一握從今莫從今莫更思量着  
蘇幕遮

婁江寄家信作

柳花風榆莢雨檢點春光去也何匆遽紅淚飄零千萬

樹亂鶯啼到無聲處 旅顏殘歸計誤日日尋思臨別  
叮嚀語欲倩文鱗傳尺素 婁水無情不肯西流去

第六句少

二字

### 醉春風

#### 私調

半妥偏荷髻小立朱扉裏妙齡取次問伊行 幾幾綠  
似珠鮮碧同玉艷一般年紀 香臂紅粧膩秀黛青烟  
細不知曾否破瓜無未未未今夜羅幃月明人靜怕難

迴避

私會

驀地相逢乍三五團圓夜幾回解帶又沈吟怕怕怕衣  
上香濃口邊朱損有人驚詫好把紅茵藉更取青鬢  
卸為伊相記不能休罷罷索性迴身恣他憐惜柳嬌  
花姹

風中柳

立春日平原道上作

芳甸青旗山縣迎春時候無端獨向風塵走去年今日  
酒重沾衣袖簾幙捲花封如繡迢遞家園景色還應  
依舊高樓不展橫雲皺重門深掩鵲腦敲金獸怕春來

更添消瘦

十眉圖有  
橫雲眉

離別

槐樹陰濃小院晚涼時節別離可奈腸如結歌喉清轉  
聽唱陽關徹情脉脉幾回嗚咽細語叮嚀道且自消  
停這歇燈火高城更未絕殘粧重整送向門前別拚今



宵為伊啼血

道字  
視

行香子

賦恨

取次相親打疊消魂再休避小媵魚鱗箇時心事費盡  
温存有幾分憐幾分愛幾分嗔參橫斗轉匆匆歸去  
木倉琅隔斷重津分明眼底欲見何因似鏡中花水中  
月夢中雲

小院殘春

小院殘春金鎖重門花陰裏隔子迴紋彈琴清夜待月  
黃昏想那時情那時事那時人 三年一瞬兩情千里  
似蓬科飄泊江村淒涼玉柱慘淡金樽看燈如雨雨如  
夢夢如塵

青玉案

九日

寒烟衰柳西陵路是一幅悲秋賦凝望蘅皋天欲暮蕭  
風吟葉濕雲粘樹不見登高處 東籬把酒黃花吐應

插遍茱萸無數美景良辰誰與度  
露蛩聲咽霜砧響斷  
枕上瀟瀟雨

感皇恩

題北隱山房

深戶映花闕紙窗茅屋栽就瀟湘萬竿竹  
捎雲拂日染  
出一庭濃綠石牀欹枕處茶初熟  
中有高人棲遲空  
谷冰雪滌洄絕塵俗欲遺襟佩采采露蘭霜菊  
相思何處也人如玉

小桃紅

題梅庵桃花源樂府

好把荷衣製歸隱從茲始烟外迷津雲中問渡桃花春  
水想武陵當日避秦人五柳前身是一曲紅牙試千  
載還神似玉骨蟬輕仙蹤羽化碧霄高逝想世間不屑  
折腰人今古皆如此

千秋歲

題袁重其侍女圖

金盤玉匕斟酌西池醴傳妙舞流仙吹斑衣娛此日霜  
哺思前事北堂上粲然一笑慈顏喜 見說麒麟瑞巧  
向懷中墜應解識之無字添枝桐月閨入夢蘭雲細願  
歲歲青春白髮看兒戲

傳言玉女

題余氏女子繡柳毅傳書圖同程村阮亭文友

分賦

霧鬢風鬟憔悴洞庭秋葉湘雲淚滿點點鮫人血緘愁

欲寄去雁遠衝江雪兒家何處綃宮璇闕  
涇水歸來  
依舊珠輝玉潔此情難負更把紅絲結昔人已往如聽  
當年嗚咽素書一紙銀針千疊

祝英臺近

重陽後一日揚州別程村阮亭

遠峯青寒渚碧零落紅衣暮流雪迴風陣陣蘆花舞秋  
光欲斷人腸重陽過也猶做作滿城風雨  
太匆遽乍  
可一曲驪歌便上蘭舟去水雲無際何處尋前渡依稀

認得歸程黃葉清江是昨夜夢中來路

蕙蘭芳引

答悔庵餉酒茗

不斷鄉愁烟水外風帆如簇恨芳草斜陽迢遞偏傷遠  
目扶筇歸去正東鄰酒香茶熟乍飛箋來到空館敲殘  
寒玉綠蟻頻浮翠旗纔展頓消煩燠有紫鱸千頭更  
汲取碧琳千斛石爐徐沸葛巾新漉倚南窗一枕清涼

初足

更字  
視

驀山溪

舟中殘月

芙蓉湖畔點點喧津鼓何處是歸程輕鷗外一聲柔櫓  
香銷酒薄早是不成眠怪好月故相撩枕畔時來去  
方暉圓景搖曳紛無數風勒水聲寒又激起吳歛淒楚  
夜長夢短此意有誰知算只有廣寒人知我傷心處

洞仙歌

元夕



千門萬戶聽踏歌聲遍一派笙簫暗塵遠有麝蘭通氣  
羅綺如雲香過處隱隱紅簾盡捲閒行南北曲玉醉  
花媽爭簇天街閨蛾轉更誰家艷質燈火闌干幕地裏  
夜深重見向皓月光中費疑猜不道是今宵廣寒人現  
法曲獻仙音

九日揚州寓舍得錢大幼日秋試捷音作此却  
寄

黃入宮槐香分月桂仙宴鹿鳴初舉江上峯青曲中人

速傳遍湘靈佳句錦箋遙芳信速早到竹西路登高處  
憶當日篝燈深語西窗下樽酒論文幾度綵筆掣青  
霜不加點賦成鸚鵡共說錢郎好添修龍樓鳳宇問少  
年同學若個才情如許

十五家詞卷二十五

欽定四庫全書

十五家詞卷二十六

休寧孫默編

彭孫遹延露詞下

長調

滿江紅

和梅庵生日自題小影圖

解組歸來便黃綺欣然相許休重問屈生詹尹賈生季  
主酒後擘箋霏艷雪花間量屐粘香雨待穀巾葛帔老

溪山招尋處 絳灌在堪誰與義 皇遠還空佇向歌樓

乞食講筵高倨右北平 中埋羽箭吳東門 下沈簫鼓但

短衣匹馬盡餘年 無他語

悔庵曾官永平古右北平  
地卜居葑溪即吳東門也

誰傳先生須記取 門前五柳問何人 素心晨夕村童隣

叟 世上滄桑纔轉瞬 夢中金紫難回首 看當時花月滿

姑胥今存否 也不羨柔荑手 也不慕櫻桃口 只蕭然

偕隱鴻妻菜婦松節且揮高士麈 竹林試醉賢人酒 任

黃金斗印綰封侯 功人狗

華邈來與子同甲以端午前一日生故有此贈

不飲何為把一切窮愁盡掃看門外花明草暖天中時  
到繡虎銀符都挿遍那堪令節成吾老喚紅巾翠袖為  
君歌聲繚繞 人世事堪成笑餘子輩寧須道儘東塗

西抹誇他年少擬作山中同甲會天涯知己樽前少向

南鄰呼取洛陽生同傾倒

洛陽生謂河內賈子雲谷亦辛未生也時同客吳下

### 五日觀競渡

且往觀乎閭門外今朝水戲見兩兩靈絲艾虎釵頭紛

綴舊俗吳中猶未改習流人鬪魚龍技看綵雲一派鎖  
清濠波如沸流覽罷心猶悸憑弔處情難已向風前  
醜酒何妨沈醉千古三閭同一哭江潭不少人憔悴待  
為書重續賈長沙投湘水

綵雲港在閩門外見姑蘇志

惜秋華

秋怨

纔入新秋早麝燈慵開鶯簧倦炙孤影誰憐銀缸幾度  
羞別烏絲小誓看看淡好似賺人魚墨愁寂水晶簾捲

見舊時月色 枉自尋消息恨餘香斷素偏有無窮憶  
誰把病容扶起紛紜朱碧便將萬斛滄波移來比似鮫  
珠滴終夕也只得兩番潮汐

烏賊魚吐汁如淡墨南人取以作書逾年但存空紙

鳳凰臺上憶吹簫

和漱玉詞同阮亭作

寶鴨拋烟寒蟹泣露蘭橈催發湖頭正銀河清淺殘月  
如鈎多少情悰欲說知無奈則索行休紗窓靜幾株疎  
柳一片清秋 堪憂箇人何處那衣香手粉髻鬢還留

憶舊年此夜花壓層樓靜對金波似水桃笙上隱隱回  
眸傷心處依然花月添却離愁

閏七夕咏牛女

曉露招涼秋梧益葉雙星低映清宵想天潢再駕綺節  
重邀翠鵲仙綰未滿又河邊催喚填橋迎車罷虹川波  
委月幙香飄迢迢靈辰相望早一年兩度邂逅雲霄  
笑孤明寶婺獨處珠匏休問故人機素怕龍梭一月長  
拋願從此金章玉節只閏今朝

婺女星在織女南匏瓜  
星在河鼓東離珠北俱



見天  
官書

水調歌頭

次韻答家兄仲謀

去年分手處蕭寺古鐘樓縹緲霜天孤雁驚破一行秋  
二十四橋烟月一百五朝風雨憔悴少年遊故鄉渺無  
際目斷不勝愁 吳天角楚江尾越山頭不如從此歸去  
揮手弄漁釣縱有長安同學誰問行吟澤畔五月有披  
裘湖山春未老去去莫淹留

滿庭芳

晚景和少游韻

飲水虹明蒸山霞爛亂帆爭渡津門離人向夕無緒對  
芳樽幾上層樓極目疎林外落照繽紛空凝望天邊白  
苧烟雨鎖空村 羈魂飛欲去清江千里南北中分悵  
瑤琴徒在錦瑟空存腸斷蕭娘一紙羅巾賸萬點檀痕  
憑傳語玉兒憔悴終不負東昏

楊李有白苧村烟  
雨樓是吾鄉也

倦尋芳

感舊

追思往日月皎燈寒梅魂清凍客散金堂花漏一聲頻  
送絳雪沾衣香夢熟綠雲堆枕春愁重迴身處似珠鮮  
玉脆盈盈入捧更消受吳綾弄墨越簟迎涼時時相  
共自去江干信斷魚牋誰貢聞洗鉛芳新學道禹餘琳  
札都成誦待重尋早招取上清鸞鳳

三清一名禹餘

八聲甘州

秋怨和柳七韻

點清霜一夜渡河來木葉疎高秋最傷心時候西風旅  
夢殘月江樓何事南來北往行役不知休回首當年事  
颺散雲流 可惜舞茵歌管任蛛絲馬跡狼藉誰收便  
吳姬楚艷值得幾回留憶分襟木蘭花下悵佳期怯上  
此花舟料伊也恹恹終日長為儂愁

珍珠簾

密約

湘紋幾摺闌干疊十二碧城宮闕一縷紫猊煙片影紅

窓月小語相期全不覺怕姓字飛瓊輕洩周折待粘雲  
染雨臨行還怯猛把心兒拚却今宵休孤負良辰佳  
節蘭液冷香犀草露沾金蝶無賴杜鵑枝上烏向窓外  
聲聲啼血饒舌纔勸得人歸又催離別

杜鵑初鳴時聞  
之主使人離別

見酉陽  
雜俎

### 三妹媚

### 旅夢

花宮清磬香聽城頭一派角聲悲繞晚來情味只秋窓

無火暗螢相照解帶將眠剛月色腫朧來到千里江關  
十年心事相思多少 恍在舊家庭館見朱幌微垂綠  
窓初曉驚伊消瘦把別時踪跡向儂都告旅泊頻年和  
夢也分明知道莫是相逢無幾依然去了

高陽臺

為阮亭題余氏女子繡高唐神女圖

帝女歸來一天秋色楚峯十二蒼蒼聽說當年曾經薦  
枕先王細腰宮裏顏如玉更相尋霧縠霓裳問此時翠

蓋鸞旌誰見悠揚 巫山枉斷人腸縱陽臺遺跡未盡  
虛茫回首宸游沈淪幽佩堪傷一自侍臣書好夢千載  
下雲雨生香又何人剪雨裁雲幻出高唐

沈淪幽佩侍  
臣書夢俱見

杜詩

### 念奴嬌

和漱玉詞同阮亭作

深閨岑寂見朱扉曲曲銅龍雙閉坐覺春陰寒尚峭不  
斷氤氳鑪氣遠岫低雲濃花著雨可是伊風味紅箋小

疊此情何處相寄 朝暮鎮是無聊湘娥淚濕空向花

枝倚病裏腰肢慵似柳盡日三眠三起芍藥欄前清和

時候約訴纏綿意眼看春盡那人應是歸未

杜詩湘娥倚暮花上

林人柳三眠三起見西京雜記

### 長歌

兩窓獨坐百感茫茫因信筆成百字令自歌且自和之白太傅謂長歌之哀過于慟哭此語誠然以今觀之不誠然耶

長歌當哭把琅玕擊折珊瑚敲碎悔不當初多弄戟領



取中郎都尉鵲印累累蟬冠岌岌恐見人皆醉雕龍何  
益箕功名偶然遂 等閒付與兒曹三旌已矣返我屠

羊肆吳下秋風歸去好飽啖菰羹鱸膾病藉神君巧資

天女無計祛窮鬼夜珠休探怕驪龍未成睡

織女一名  
天女見天

注 官書

### 又疊前韻

知音寥落任壁間絃絕市中琴碎萬卷詩書何所用不  
抵一錢程尉入手杯濃擡頭月艷人好干場醉長卿倦

卷二十六  
八  
矣問宦遊幾時遂 此去四壁猶存當壚滌器賣酒臨  
叩肆春雨綠簑三尺艇釣取霜鱗雪鱠假貸為生送人  
作郡怕殺挪揄鬼不如秉燭夜深長伴花睡

三疊前韻

壯心難抑將亂絲斬斷連環搥碎七貴五侯今已矣說  
甚粉郎香尉公醒而狂臣饑欲死待覓墻間醉平原何  
在自媒終笑毛遂 曉來網得霜螯橫行屈強吾力猶  
能肆脆白肥黃堪一飽絕勝吳王殘鱸露氣高浮羽聲

慷慨痛飲歌山鬼元龍卧榻肯容餘子鼾睡

四疊前韻

丈夫立志寧蘭摧蕙折壁沈珠碎寶劍摩娑如好女請  
試玉門軍尉虎帳論兵龍泉知己卮酒安辭醉沙場百  
戰看奇勲一朝遂 笑談指顧封侯宛珠隨寶入室紛  
成肆行馬歌鐘新賜第狼藉金蓋玉繪貴客稱觴美人  
當夕室瞰高明鬼拂衣歸隱學希夷五龍睡

解語花

題美人卷子

湘裾漏月楚練堆雲別是天然韻石牀小几涼如水一  
束桃枝清潤玉冠輕卸乍睡覺心情未穩香枕上隱隱  
屏山冷浸芙蓉印 記得那時廝認在桂堂東側蘭臺  
西近紫薇花下相逢處約畧眼重眉褪三秋過也空留  
下生綃粉本畫圖中驀自尋思可有和伊分

玲瓏四犯

却夢調元景病次家兄仲謀韻

美睡初成便有箇人人年華猶少暱枕低幃不怕細君  
知道可是陽臺行雨把宋玉魂兒勾到拚長作玉清仙  
隸夜夜掃除庭廟 千金艷質分明是轉腰身向郎迴  
抱漸春汗融融綺褥逗破風流竅幾番着意温存生不  
管儂心不要須央他無賴汝南雞未曙將人喚覺

玉清  
仙隸

用夏侯語 後段  
第七句多一字

### 再疊前韻

寄語東君莫寵柳驕花誘他年少漏泄春光多在這華

胥道何事孤眠帳底夜夜有彩雲飛到似神君為儂却  
病引入上林祠廟 睡鄉即是溫柔境有紫玉如烟相  
抱剛則是靈犀一點通却心中竅害得文園憔悴那夢  
兒偏生還要願生生不作有情癡長得安然睡覺

後段  
第七

句多  
一字

招夢用前韻

好夢誰同有皓齒丹唇人兒絕少媚寢思香遠勝却邯  
鄲道一聲砌竹驚迴正月影空牀初到擬欲賦夜來神

遇薦枕在朝雲廟 纏綿一似春蠶死向雪繭窩中紫  
抱乍可是雲輕雨薄未透相思竅囑付惜春御史領風  
月讓伊清要把鶯聲燕語安排莫使幽懽驚覺

再疊前韻

楔節纔過冷落了風流蘭亭逸少單枕無聊心事向誰  
行道打疊鴛鴦繡被好招取夢兒來到問何如九疑黛  
色帝子下黃陵廟 願將身化為蝴蝶粉痕死向花心  
抱浪說遊仙留玉枕枕內藏機竅望斷美人何處慚愧

殺靈修練要看落花飛絮殢人春睡如眠似覺

練要之  
要去聲

今人作平聲  
讀者非也

憶舊遊

病酒

病醒扶不起似筇篻小令促行觴鄉愁供伏枕暮鐘曉  
角忒殺淒涼當時幾經被酒錦瑟美人傍記縹色杯輕  
密雲香重親手擎將年來漂泊去但醉月迷花是處  
堪傷縱文園渴甚甚金仙掌露玉女壺漿欲問盈盈翠



袖風雨暗巫陽誰念我天涯蕭條寂寞年少場

姚崇傑  
酒令憑

闌一吐已覺空  
喉密雲龍茶名

### 花犯

#### 梅花和清真韻

傍疎籬橫斜幾樹饒林下風味嫣然一笑早掩却三千  
宮中佳麗盈盈仙袂誰同倚自憐翻自喜正雪滿山中  
無路素娥寒擁被 幾日小窗試東風為思君長是粉  
憔悴春愁凝時時有暗香飄墜可惜一枝零落也空

自賦招魂芳徑裏記當年夢中相遇月明天似水

凝音  
佞

宴清都

螢火

四壁秋聲靜疎簾外數點飛來破暝輕沾葉露暗栖花  
蓋亂翻銀井有時團扇驚迴又巧坐人衣相映空自抱  
熠燿微光願增照金樞景 幾番去傍深林來穿小幔  
高低不定隨風欲墮帶雨猶明流輝耿耿隋家宮苑何  
在腐草于今無片影向山堂且伴幽人琴書清冷

水龍吟

吳寧周席上作

畫堂春靜鶯花麗珍重為開嘉宴金盤薦處楚酪瓊羞  
吳羹雪片曲按檀槽詞翻玉茗歌喉清轉歎經年作客  
銷魂此際不覺奈何頻喚 簾幙高張庭院又火樹銀  
花開遍促坐藏鈎分曹戲彩杯行無算小器易盈一時  
沈頓玉山將斷記醉中上馬明河欲墮橫參初轉

拜星月慢

本意

蓉炷初煎花冠重整小院四垂空碧徙倚風前聽銅螿  
清滴凝眸處試問渡河人去竊藥人歸何日霄路迢遙  
抱幽輝終夕 正中庭夜永無行跡更難禁私禱偏羞  
溢早是聲喘頻呼吹麝蘭氣息墜金蟲手自梳蟬翼恁  
時光莫道窺顏色只影兒裊裊亭亭儘銷魂也得

瑞鶴仙

題袁氏園亭

攜來一片石直壓倒江上三山無色名園堪永日有翠  
幹蕭森明玕鮮碧桐陰竹實看聯翩鷓鴣雛接翼問何人  
領袖烟霞身是東吳倦客 猶憶梁鴻廡下梅福門前  
舊曾相識重逢此地同訪瓊花消息待粗酬婚嫁遠尋  
禽向五岳安排遊屐記他年行藥歸來龍鱗千尺

瑶花

癸卯七夕

夜波涼薦曉杼聲停止鵲駟催駕經年相見料此時一

刻千金無價明朝何處向雲雨峯頭銷假怕有人天上  
含愁碧海青霄今夜西風又報新秋見珠露低垂紅  
蘭初謝舊歡如夢多少事記取金釵羅帕離情別思任  
填滿銀河難瀉倘佳期果似靈辰拚受星孤月寡

綺羅香

春盡日有寄

翠遠如空黛濃欲滴簾捲青山無數舊事難尋春色總  
歸塵土撲蝶會如夢光陰研花箋相思圖譜怪東風不

為吹愁凝眸又見碧雲暮  
年來淪落已慣任一身長  
是飄零吳楚紅淚緘題恨字分明寄與想南樓柳絮飛  
時是玉人夜來凭處應望斷遠水歸帆濛濛江上雨

喜遷鶯

偶憶

佳人難得更名士風流傾城顏色候  
日衣輕辟寒鈿細打疊受他憐惜  
為雨為雲時候非霧非花蹤跡分明似  
似琪樹交枝瑤禽聯翼  
當日定情處纏綿珍重此意

千金值世世生生朝朝暮暮長似為歡今夕回首人間  
天上往事依稀堪憶前身是是蓬山伴侶玉清儔匹

日候

蟲名集宮人衣輒蒙愛幸魏宮人  
相語曰不服辟寒鈿那得帝王憐

### 春從天上來

孫介夫索句題炘賦贈此篇

年少孫郎美才地風流合讓伊行思清零雨筆挾秋霜  
佳句題徧吳閩似方平當日擘麒麟高宴仙鄉奏新詞  
有停雲芝蓋隔水松簧更饒大喬國色儼麻姑玉女



矚盼清揚鈿翠輕飛裙波小皺人前微曳霓裳捧流霞  
一酌擎來味盡作沙糖儘踈狂任紅塵人世彈指滄桑

歸朝歡

秋夜

畫閣重簾深不捲銅史黃昏催緩箭那堪離別在蘭時  
梧桐落盡迴心院夜長君不見漏痕猶比檀痕淺麝煤  
殘銀箏寶瑟信手拈來倦側側寒生霜瓦濺眼底屏  
山千里遠南來孤雁已先紅一聲天際堪腸斷飄零秋

萬點風條雨葉如相餞最無慘坐愁不寐絳蠟和花剪

花心動

早秋客思

幾陣西風涼氣滿林下乍收殘暑極目江天蹴雪驚沙  
千里迢迢吳楚殷勤謝茱萸灣水為儂好向秦溪去還  
恐怕闕山重叠雙魚無據 冉冉年光欲暮正思歸未  
得含情誰語待折疏華寄取一枝又遠隔層城路倚樓  
人聽斷腸聲驚秋客到傷心處江南夢一曲瀟瀟暮雨

二郎神

憶富春舊遊

富春七里水拖藍游鱗堪數看來往雲帆淺深沙石渺  
渺青溪漁浦南北峯頭登臨遠望不盡斜陽疎樹悵星  
子臺空桐君珮冷舊游何處 羈旅又經幾度他鄉寒  
暑自芍藥花殘櫻桃夢醒腸斷錦鞋一賦謝客滄洲潘  
郎綠鬢心跡猶然朝暮笑只有山中明月江上清風如

故

前段第二句多一字  
中傳誦新安江一名青溪

往在富春作錦鞋賦頗為彼  
漁浦去富春者三十里許

桐君山在

桐廬境

一萼紅

咏睡鞵

試紉鈎正薰籠初煖百和惹氤氳同夢相偎合歡不解  
天然無跡無塵巧占盡春宵樂事問伊家何處最撩人  
銷帳低垂蘭燈斜照甕上些跟好是輕盈嬌小只一  
彎香浸半捻紅分新月勾雲纖荷舒夜阿誰消受清芬  
莫便道魂消此際向玉樓合處更消魂底事東陽憔悴

化却腰身

向字觀漢宮  
有夜舒荷

一寸金

蓮花

水面新粧小著紅綃弄烟霧似艷分霞暈倚欄微笑嬌  
含檀粉向人低語獨立愁無侶覓舊日張郎何處乍臨  
風一種輕盈玉奴初學凌波步 此夜瑤臺月明香細  
翠袖沾清露問玲瓏秋藕幾時絲盡鮮妍蓮子為誰心  
苦正隔江欲採盼佳期美人遲暮訴相思有恨無情夢

斷西洲路

西洲用古樂府語陸龜蒙蓮花詩無情有恨何人見

女冠子

第二體

咏美人坐禪

香寮靜也片縷沈檀烟透五雲幢下五絲褥上小結跏  
趺玉弓清瘦見展春衫袖袖底分明紅露鞋尖一絡顫  
巍巍綉鈎雙疊幾幅湘波壓皺似承密印靈山後問  
天然姝麗可是人間有妙容誰偶恰意蓋心燈孤明時  
候巾瓶淨無垢正好衣紋不動花陰當晝倩罔明彈指

聲中喚取那人知否

因明用內典  
女子出定事

丹鳳吟

南窓睡覺月色滿牀

可是行雲有意故把纖阿一輪推落飛入南窗次第穿  
簾度幙霓裳弄影金波堪挹綃帳生寒冰壺初濯遍處  
笙竽俱靜香霧空濛冷浸半牀絃索 正值夢迴酒醒  
旅中單枕眠乍覺便欲乘風去向瓊樓玉宇細聽仙樂  
嫦娥應是笑人長恁寂寞十年前事心兒上憶分明如

昨此時此夜怎許人睡着

纖阿  
月御

沁園春

酒後作歌與擎庵

何必規摹五柳之高孤竹之清念久與周旋我寧作我  
任教禮法卿自從卿儁乘陪游辛杯侍讌僕病須知非  
所能問何者是魚文驥子綸組彫纓 狂來白眼休驚  
箕若個堪當一瞬青但紫篝玉炷香消仙蠹朱繩金錯  
筆掃讒蠅清酒三杯黃梁半枕不換他年身後名誰驚



覺有墜梧片葉索賦秋聲

又

放眼乾坤曠觀宇宙與爾相期憶登第早年曾同座主  
為農今日俱老明時遂我初衣屈卿此幘鄉里安能向  
小兒從茲去便濯纓碧漢晞髮清池尚平婚嫁休遲  
早覓取三山紺雪姿待尋真嵩華采芝千頃浮家苔雪  
載酒千甌人盡憂生我當樂死笑拍洪厓知未知回頭

處看眩人世界變化叅差

眩音幻見  
張騫傳

又

自賦歸來為問先生何計忘貧想行吟竹裏烹殘蟹眼  
著書林下倚遍龍鱗長著荷裳閒拖芒屨野老柴門正  
比隣難孤負是賞心樂事月夕花晨 陶然自得天真

渾忘却春明舊日身有石牀小几新涼可襲玉池秋水  
芳草堪紉時對西風徐揮方麪何物元規塵汚人因傳

語倘扁舟來訪許問迷津

方麪竹  
扇也

又

對影銜盃影且前來吾方思之箕乘時只合兔園傳冊  
成名何用狐穴搜詩世上舉肥宮中磨蝎大藥難將造  
物醫安予拙且聽竽南郭植杖東籬 小園清映漣漪

有密竹疎花事事宜更多情綠綺琴心解渴撩人翠嫵  
黛色忘飢飽看文君風吹鬢影此樂誠然不可支誰相

問道茂陵閒散謝客多時

番子曠作詩喜用僻事號狐  
穴詩人兔園冊見五代史

### 偶興和阮亭

歸去來兮或采金芝或酌清流待乘鳳天邊長風作御

釣鰲海上明月為鈎冠蓋焦螟河山野馬蟻垤縱橫十  
二州儘遊戲是擊毬建節泮統封侯誰能齷齪相酬  
任沈者還沈浮者浮笑空洞容卿是中無物溫柔老我  
此外何求一紙彈文三章約法不禁同盟鷺與鷗相親  
近且春花秋月夏葛冬裘

又

我所思兮白石清泉複嶂層岡看象外烟霞能令公喜  
眼前人物誰得卿狂中聖頻呼索郎屢顧廣大人間出

世方君莫問有增城閭阪漢武秦皇  
醉來潑墨淋浪  
邀星渚支機作報章歎鐵馬金戈幾番逐鹿博遊挾策  
一樣亡羊經卷藥爐舞衫歌扇天女維摩總道場相期  
在便海山兜率誰是吾鄉

海山用白傳故事因阮亭有  
麗農方丈早認渠鄉句也

題影贈吳中友人

其狀若何珠玉為容冰雪為腸問對朕者誰心知漚露  
如卿有幾手淬風霜讀損義爻搜竒禹簡探得靈威字  
數行低回處歎無情山水閱盡興亡  
悲歌慷慨蒼涼

正散髮行吟白日長  
儘家徒四壁貧如司馬  
目空一世狂甚素羊  
竒服靈均高冠子夏  
雜佩繽紛落若香  
身名事付杯中醞  
醉枕畔滄浪

和韻答金嶠庵

往古來今如許英雄  
鐘鼎旗常盡飄風  
冷雨餘聲銷滅  
寒烟蔓草陳迹  
蒼茫南顧昆明  
東瞻閩越二十年來  
一戰場到今日喜  
豐年多黍兵氣銷光  
溪山老我何傷  
且買醉時探肘  
後囊須我歌若舞  
烏烏擊缶倡予和汝

款款飛觴僕射不如尚書不顧羯鼓頻催不記行纜傾  
倒早一輪紅日湧上扶桑

賀新郎

酌酒與孫默用稼軒韻

笑謂君休矣笑人生重茵列鼎為時能幾趣取新涼今  
夜好一醉破除萬事儘酒後沾沾自喜賦筆凌雲誰見  
賞只子虛烏有公亡是更誰薦雄文似休官且卧烟  
霞裏又何須虎頭食肉馬肝知味速築糟丘吾將老得

喪由來一理縱狂歌東方月起駒隙光陰河射角歎羊腸仕路車生耳且引盡黃山子

白苧

春暮

雨乍晴又洗出滿庭葱蒨倩金鈴風急驚起啄花乳燕裊柔條斷送了落紅如霰遲日正暄妍颺游絲釵頭輕罨撲蝶歸來不覺玉弓酸軟早安排送春小會櫻桃宴  
深院密坐相逢低聲問取似多情荀倩却無語回眸



眼波一線月明人靜待尋歡良夜闌干敲遍金斗放聲  
頻多應細熨裙花茜五絲幢下明日酬私願

畫屏秋色

蕪城秋感

野照蕪城夕送遠目雲水蒼茫不極瓊蘂音遙青樓夢  
杳玉鈎人寂何處認隋宮見芳草寒烟堆積攢一片傷  
心碧聽柳外哀蟬風高響滯如訴興亡舊恨聲聲無力  
今昔可勝悽惻莫重問錦帆消息竹西歌吹淮南笙

鶴盡成陳迹轉眼又西風辭巢越燕還如客落葉千重  
蕭滅萬事總銷沈唯有清江皓月曾照昔人顏色

淮南  
望鶴

用高  
駢事

### 小諾臯

#### 維揚旅舍聞蟬

碧蘚庭除綠陰城郭雨過空蒼如洗正疎林兩兩鳴蟬  
高低聲遞何待移宮換羽嶰竹天然相比戛餘音還共  
南薰搖曳客去茶清棊殘香細故攪人北窓好夢一覺

揚州驚起欹枕處偏清厲  
託體高枝翳形密葉直是  
如羹如沸總不管西候羈情  
南冠客意似水流光暗逝  
漸入深秋天氣轉眼向孤雁  
寒蛩更替玄鬢凋殘白頭  
憔悴試臨風獨凭欄  
干側耳哀吟此際容易使秋心碎

稍遍

春情和東坡韻

拾翠年時踏青節  
候芳草紛鋪地  
弄陰晴景色遍園林  
屈指到清明天氣  
小池邊紫燕欲尋新壘  
紅襟對掠桃

花水正山杏籠烟海棠經雨穠艷天然無比睽高樓何  
處綠楊枝又搓得鵝黃千尺絲總釀就迷花病酒懷人  
幾般滋味素手好同攜鬱金屏外朱欄裏欲訴綢繆  
鸚鵡生憎忒伶俐看弱不勝衣柔如無骨仙裾怕逐東  
風起墨染烏欄袖沾紅唾脉脉春愁無隙漸畫燭燒殘  
繁英飛墜似綺叢蛺蝶向花底忙不了竊香私意任取  
粉銷春老一夢消身世蓬萊水淺滄海塵揚畢竟此情  
難已九天鸞鶴倘相招為報人生行樂耳

鶯啼序

夏景

半枕新涼破好夢一聲白鳥遠鐘歇曙色霏微殘鶯啼  
上林杪簾幙重重次第捲雲屏曲曲瀟湘曉看露濃香  
細茉莉又開多少淺暈纔施薄鉛不御衫子裁織縞  
更青青非霧非烟眉山兩點慵掃倚紗窗梧竹澄鮮弄  
薰風悠揚未了正深閨永晝如年問津誰到南園此  
日滿地綠陰虧蔽有芳蕖曲沼乍微雨收痕翠蓋孤擎

紅衣雙笑冰井敲殘紋楸彈罷倦聽高柳玄蟬噪覺小  
院無人愈清悄簟紋似水琅玕幾度欹眠釵鳳墜盤雲  
攪歸來庭戶嬌困難禁綉帶羅裙裊最是溫泉初浴  
玉軟花慵侍兒扶起風姿偏好晚涼初薦輕容重換碧  
欄干外梳頭處恰團圓好月來相照坐看夜色天堦戲  
撲流螢輕羅扇小

十五家詞卷二十六